

**Uunga siunnersuut: Avatangiisit innarlitsaaliorneqarnissaat pillugit Inatsisartut  
inatsisaat nr. xx, xxxx-ip xx-ani 2011-meersoq**

(Nunamut Namminermut, Pinngortitamut Avatangiisinullu Naalakkersuisoq)

**pillugu**

**Sanaartornermut Avatangiisinullu ataatsimiititaliap**

**ILASSUTITUT ISUMALIUTISSIISSUTAA**

**Siunnersuutip pingajussaaneerneqarnerani saqqummiunneqartoq.**

Ataatsimiititaliap suliarinninnerani ilaasortat uku kingullermik peqataapput:

Inatsisartunut ilaasortaq Naaja Nathanielsen, Inuit Ataqtigiit, Siulittaasoq

Inatsisartunut ilaasortaq Storm Ludvigsen, Inuit Ataqtigiit

Inatsisartunut ilaasortaq Andreas Uldum, Demokraatit

Inatsisartunut ilaasortaq Knud Fleischer, Kattuseqatigiit Partiiat

Inatsisartunut ilaasortaq Malik Berthelsen, Siumut

Inatsisartunut ilaasortaq Anders Olsen, Siumut

Inatsisartunut ilaasortaq Jens Immanuelson, Siumut

**Allannguutissatut siunnersuutip Ataatsimiititaliamit suliarineqarnera**

Ulloq 3. november 2011 uuma siunnersuutip aappassaaneerneqarneranut Sanaartornermut Avatangiisinullu ataatsimiititaliap isumaliutissiissuteqarpoq. Ataatsimiititaliap isumaliutissiissummi inassutigaa siunnersuut pingajussaaneerneqannginnerani Ataatsimiititaliamit nutaamik suliarineqartussatut innersuussutigineqassasoq. Tamatumunnga tunngaviuvoq siunnersuummi § 29, imm. 1,36-mut aamma § 49, imm. 4-mut Naalakkersuisut pingajussaaneerneqarneranut allannguutissatut siunnersuummik saqqummiussissasut Ataatsimiititaliamit isumaqtigiittumit kaammattuutigineqarmat.

Ataatsimiititaliap kaammattuutigaa § 29, imm. 1 allanngortinneqassasoq, inuit innarlernissaannut pitsaaliuneq immikkut akuersissuteqartarnermut tamatuma kingorna tunngaviujunnaassasoq, aalajangersakkamilu oqaasertaliussat immikkut ittumik iliuseqartarnermut sammitinneqarnerulissasut.

Ataatsimiititaliattaq § 36-ip allanngortinneqarnissa kissaatigaa, taamaalilluni biilit, umiatsiat qamuteralaallu igiinnakkat akitsorterussinermi kommuninit tuniniarneqartalersinnaanerannik pisinnaatitaanerannik pilersitsisoqassalluni.

Ataatsimiititaliattaq kaammattuutigaa § 49, imm. 4-mut allannguutissatut siunnersuummik Naalakkersuisut saqqummiussissasut, taamaalilluni qallunaatut aamma kalaallisut oqaasertat imminnut naapertuutilissallutik.

Ataatsimiititaliap naammagisimaarlugu maluginiarpaa Ataatsimiititaliap kaammattuutai Naalakkersuisut malissimagai, kiisalu siunnersuummi § 29, imm. 1,36-mut aamma § 49, imm. 4-mut allannguutissatut siunnersuummik saqqummiussisut. Allannguutissatut siunnersuut 10. november 2011-meersoq uunga isumaliutissiissummut **ilanngussaq 1**-tut ilanngunneqarpoq.

### **Teknikki Pissarsiarineqarsinnaasoq Pitsaanerpaaq pillugu tunngavimmut (BAT-mik tunngavimmu) nassuiaat**

Ataatsimiititaliap sulineranut atugassatut aappasaaneerinerup pingajusaanerinerullu akornanni Teknikki Pissarsiarineqarsinnaasoq Pitsaanerpaaq pillugu tunngavik nassuiaasiarineqassasooq Naalakkersuisut aappasaaneerinninnermi akissuteqaatiminni ilimasaaripput. Ulloq 10. november Ataatsimiititaliap nassuiaat tiguaa, nassuiaallu tusaatissatut tiguneqarpoq. Nassuiaat **ilanngussaq 2**-tut ilanngunneqarpoq, siunnersuummut nassuiaatinut paasinneriaatsinullu ilaammat.

Aallaqqaasiullugu Ataatsimiititaliap oqaatigissavaa Naalakkersuisut isumaqatigigamigit Teknikki Pissarsiarineqarsinnaasoq Pitsaanerpaaq pillugu tunngaviusup ersarilluinartumik paasineqarnissaa pingaaruteqartuummat.

Teknikki Pissarsiarineqarsinnaasoq Pitsaanerpaaq pillugu tunngavimmik nassuiaat Ataatsimiititaliap iluarisimaartorujussuuaa, Ataatsimiititaliarlu isumaqarluinnarpoq Teknikki Pissarsiarineqarsinnaasoq Pitsaanerpaaq pillugu atuinnermi uuttueriaatsit oqimaaqatigiissitseriaatsillu nassuiaammi assersuutini sisamani takutinneqartut.

Nassuiaat tassanilu assersuutit takutinneqartut tunngavigalugit Ataatsimiititaliap malugisinnaavaa Teknikki Pissarsiarineqarsinnaasoq Pitsaanerpaaq pillugu tunngaviusup atornerani avatangiisinut mianerinninneq tamatigut pingaarnerpaatinneqartanngitsoq, kisiannili pineqartumi iliuuserisartakkani oqimaaqatigiissitsisoqartarsimasooq, pissutsinilu aningaasarsiorerup oqimaannerpaanerani, aaqqiinnermi Nunamut namminermut, Pinngortitamut Avatangiisinullu Naalakkersuisoqarfimmit akuerineqartumi suli ilaatigut avatangiisinik innarlitsaaliuinnermut mianerinninneq aallaavigineqarsimasooq.

### **Ataatsimiititaliap inassutai**

Ataatsimiititaliap isumaqatigiittoq Naalakkersuisut allannguutissatut siunnersuutaat akuerineqassasooq **inassuteqarpoq.**

Ataatsimiititaliaq isumaqatigiittoq Naalakkersuisut inatsisissatut siunnersuutaat tamatuma kingorna taamatut isikkoqartillugu akuerineqassasoq **inassuteqarpoq**.

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut pingajussaaniigassanngortippaa.

Naaja Nathanielsen,  
Siulittaasoq

Malik Berthelsen

Storm Ludvigsen

Anders Olsen

Andreas Uldum

Jens Immanuelson

Knud Fleischer